

本港華資工廠之調查

(五) 華達手帕製造公司 (專訪梅)

華達手帕製造有限公司、在民國二十一年八月方始成立、初時規模不大、乃以主持之得人、不一年而其營業之進展有出乎各股東意料之外者、故翌年六月間、為求更加發展營業

起見、即改組為有限公司、資本額收足港幣十萬元、

▲出品 該公司既以手帕製造為名、故其出品亦祇限於以三羊牌為商標各種手帕、

▲銷場 查手帕為日用品之一、無論男女老幼中外人士無不購用、故該公司出品之銷場、亦無一定地方為之尾閥、舉凡國內各大口岸南洋群島檳香山

各處、無不有該公司出品在市面流銷也、

▲營業 營業自改組

為有限公司後、進展頗速、據公司負責人語記者、數年以來、皆獲贏利、只去年以世界不景氣、人民購買力薄弱、故稍為遜色云、

▲工人 該公司現僱

用工人男女共一百五十餘人、每日工作十小時、每

人所得約由四毫至一元之間、或按打數計、或照工數計、須視工作之快慢以定所獲之多寡、

▲機器 現有各種機器

二千餘架、生產率每日約出一千打、

▲優點 據該公司負責

人稱、其出品因織成之花款永不脫色、且時時更變、更令顧客目不暇給、現有各種不同之款式約一百七

十餘種之多、而曾參與之各展覽會、無不得有優異之獎賞、尤得辦家之信用云、

▲結論 查手帕一項

為物雖微、然其銷行之廣、迥非他物所能企及、社會人士無不人手一方、視為日用之必需品、惜市面流行其為國產者寥若晨星、今該公司之出品既能精益求精、得國人樂用、挽回利權、當亦不少也、